

近代中國史料叢刊續編第五十六輯  
沈雲龍主編

民權素

蔣著超編

第十二集民國四年十一月

文藻出版社  
有限公司  
印行

蔣著超編

民

權

民國四年十一月

素

(七)

文海出版社有限公司印行

民權女界

第廿二號

敬請各界注意



桂宇

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



民權素第十二集總目

名著

藝林

遊記

詩話

說海

談叢

諧藪

瀛聞

劇趣


碎玉

總目

名

著

周浩題



# 名著目錄

杭府文廟樂器慶成頌 並序

春秋昭十年不書冬說

塗山考

新陽修築園田記

治事篇仕學自序

民主表自序

監利向氏族譜序

朱陸異同辨

連珠八首

改併城鄉各書院爲致用學堂公啓

與章巨摩書

與林冬心論養生書

目錄

袁爽秋

章太炎

陳蓉曙

望之

譚瀏陽

唐才常

魏羽

頌予

孫仲容

譚嗣同

布雷

箸超



民 樓 素 第 十 二 集

---

目 錄



名著

杭府文廟樂器慶成頌 并序

袁爽秋

我朝誕膺天命。重熙累洽。二百有餘載。稽古右文。立學崇教。設儒官。育多士。克修克明。不愆不忒。蓋於釋奠先師之禮。視前代尤加隆焉。吾浙故文物地。人才鍾毓。得山水靈秀氣。弦歌之聲未嘗絕於耳。昔阮文達公撫浙時。嘗製造杭州府學文廟樂器。百年之間。以涵以泳。以薰以陶。春秋以時肄業焉。鐘鼓既戒。笙鏞既設。雍容和平。宏麗景鏗。肅雍將事。禮明而樂備。卓哉煌煌。負乎尙已。逮咸豐庚申。辛酉間。太平役興。橫舍之地。鞠爲榛莽。今上御極之三載。前浙撫左公自江右統兵來。而難以平。明年巡撫馬公布政使。蔣公興廢舉廢。首修文廟。明禋祭。舉禮儀。初備二丁。致祀供牲。牢陳榛栗。既罕有闕焉。特以規制未定。未遑議及樂器爲憾。已而都人士相與聚而謀。請於今中丞楊公。按譜正樂。命工製器。經始於庚午。踰年歲辛未。告成。麾一節二祝一歌一搏拊二笙六笏六琴六瑟四簫六籥六壎二篪四排簫二鈔鐘一特磬一編鐘十六爲一懸。編磬十六爲一懸。鼗鼓一。應鼓一。鏞鐘一。羽簫三十有六。有工有司。式歌且舞。習禮之士所爲慶。而將以涵之泳之薰之陶之。以復昔日文物之盛。而自茲以往。且千百年未有艾也。是日也。設綿蕞。施幘屨。衣冠班駁。班部井飭。初舉節以遠揚。洋洋乎若鸞飛而鳳舞。繼偃麾以暫止。仡仡乎若淳淵而時嶽。奮發布濛。悠遠綿遠。振羣才於樸棧。繼雅奏於簫韶。祝馨香其始升。咸豐薦而致愆。昶躬與其盛。自愧不文。敬稽首拜手而獻頌曰。

名著

於饒昭代。崇文治兮。稷稷先聖。德拔萃兮。禮樂淵源。紹洙泗兮。始終條理。兼聖智兮。殿廡窮崇。九筵遠兮。光靈旭升。開佩璲兮。於變豐隆。芬懿懿兮。靈勺瑤漿。神既醉兮。樂舞升歌。工告備兮。昭平秩敘。懿德暨兮。獻爵微饌。肅事兮。飲酒受酢。俾昌熾兮。於萬斯年。永昭示兮。

### 春秋昭十年不書冬說

章太炎

左氏賈服注。以為刺不登臺視氣。公羊何氏解詁。以為蓋昭公取吳。孟子之年。故貶之。案魯之登臺視氣。惟僖五年一行。後此廢之久矣。獨譏於是年。於義無取。若以為是年取孟子。則公羊固無明文。哀十二年。孟子卒。傳云。孟子者何。昭公之夫人也。其稱孟子何。諱娶同姓。蓋吳女也。徐疏謂公羊子不受於師。故疑之。夫經明書孟子。公羊猶作疑辭。況經所不言。而能知其為來歸之年乎。苟知之於此。則不當疑之於彼。是知邢公肫說。非公羊師承之舊也。然則所以去冬何。曰。宋公戌於襄二十六年。嘗殺其世子燮。當誅絕。故於其卒。去冬也。白虎通誅伐云。父殺其子。何當誅。以為天地之性。人為貴。人皆天所生也。託父母氣而生耳。王者以養長而教之。故父母不得專也。是以殺世子燮。當誅絕也。然晉侯詭諸殺其世子申生。卒不書葬。而宋公戌之殺燮。經仍書葬。宋平公者。非謂燮有罪也。戰襄二十六年何氏解詁蓋諸侯之葬。天子為作。國諡而賜之者也。義當誅絕。則春秋新王不賜之葬。故不書葬。若宋則二王之後也。繁露三代改制質文篇曰。同時稱帝者五。稱王者三。書梓材以嚴臣達王。惟邦君。鄭君云。王二王後也。是二王後之與天王。雖威權不同。而稱王則同。是以天子不臣不臣。即不得賜之葬。又安曰。不賜之葬乎。於是詞

窮。不。得。不。書。葬。宋。平。公。而。其。卒。也。推。之。天。法。去。冬。以。誅。之。焉。元。命。苞。曰。王。不。上。奉。天。文。以。立。號。則。道。術。無。原。故。先。陳。春。後。言。王。是。春。夏。秋。冬。皆。天。法。也。故。天。法。所。誅。則。去。其。冬。焉。魯。桓。公。四。年。之。去。秋。冬。也。何。氏。曰。桓。公。無。王。而。行。天。子。不。能。誅。反。下。聘。之。故。為。貶。見。其。罪。明。不。宜。夫。魯。桓。春。秋。之。託。王。也。是。以。誅。以。天。法。去。其。秋。冬。此。宋。公。成。卒。之。去。冬。亦。猶。是。矣。總。之。王。者。與。二。王。後。有。罪。法。不。得。施。則。以。天。法。誅。之。請。以。公。羊。之。大。誼。箴。何。氏。之。違。闕。

右為太炎肄業西泠精舍時作。經曲園師手加點畫者。大約在光緒己丑至甲午之間。是時猶未主海上筆政也。訓詁之作。本難以蒼古見。長文章之道。又隨乎運會。而變聞某報有登太炎啓事。否認此類著作。余聞愛伯先生歸廬時。有雜興句云。生平怕憶初事。免得今吾傲。故吾其太炎之謂乎。為書數語。以志一笑。

著 超 謹 讀

### 塗山考

陳蓉曙

古之說塗山者有二。一為會稽山。在今浙江紹興府治東南十二里。一在西漢之九江郡當塗縣。今安徽鳳陽府懷遠縣城東南八里。北麓下有古當塗城者是也。自漢迄今無定說。余案懷遠之塗山是也。左傳禹會諸侯於塗山。執玉帛者萬國。未嘗謂其即會稽。魯語昔禹致羣神於會稽之山。防風後至。禹殺而戮之。亦未嘗謂其即塗山。自漢儒合二傳為一事。故許叔重作說文曰。塗。會稽山也。段懋堂從而疏之云。大禹以前名塗山。大禹以後名會稽山。許以今名釋古。故曰會稽山。今攷吳越春秋。禹登茅山以朝羣臣。乃大會計。更名茅山為會稽。則是會稽乃

名著

三

茅山更名大禹以前當名茅山而非塗山也。史記封禪書曰：秦并天下自殷以東五太室桓山太山會稽湘山班書劉子政傳禹葬會稽三家注及服應如顏諸家不聞有以塗山釋會稽者而地理志九江郡當塗縣下則獨繫以應劭注曰禹所娶塗山侯國也何詳此而略彼歟況應劭既以九江郡之當塗為古塗山氏國即是大禹以前名塗山者亦當在今懷遠縣而不在會稽此又說之彰明較著者也。西漢去古未遠其名縣皆有所取地理志言當塗者因塗山得名也。史記封禪書劉子政封寺中所言會稽者謂禹會計於此因以名山也。秦漢遂以為郡名蓋卽吳越春秋之茅山也。二山本不相蒙益知左傳魯語所言之非一事矣。竊為古者天子會諸侯於天下之中以便於諸侯懷遠之塗山在淮水旁地雖偏南而非僻禹以會諸侯故執玉帛者為國若會稽則第因巡狩而舉行封禪耳故吳越春秋言朝羣臣而不云會諸侯自與左傳有別。杜征南注左傳不惑於漢儒之說獨云在今壽春東北洵左氏之功臣也。段懋堂反謂其非古說異哉。

### 新陽修築園田記

望之

園田之制自古有之。趙宋南渡大興東南水利其時園田之外復有圩田圩之為字不見古書蓋江南人讀園如圩鄉壁虛造官書因之或曰以其邊高而中下狀如盤孟故謂之圩其實與園田一也。崑山古婁縣地形窪下新陽又析其北境為治陽城巴城雒城諸湖交匯其北澤藪漫衍渠港參錯其窪下尤甚昔人所謂田與江齊平恒憂倒灌者專恃園田為利由來舊矣然自宋時法制雖詳治之已不能盡善范文正王純臣鄭直諸議詳之酌右

之說以興民與利。非良有司之責歟。然其事之難以盡善者。以今視昔。更不曾倍蓰。昔人所患在農之侵岸。以爲田決堤以通港。此事之偶然而法盡壞也。今則古址俱涇。將興而復之。所慮者更在地之無餘。隙民之無餘力者。昔之圍岸者。高者至一二丈。卑者亦六七尺。基之廣厚視之。又必有子岸以爲之輔。然後濬衝波不能突圍。以過故曰。有一丈之岸。則障一丈之水。有一尺之岸。則障一尺之水。又曰。有田無岸。與無田同岸。不高厚。與無岸同高厚。而無子岸。與不高厚同。蓋防患如此。其慎也。然而築之欲高厚。則地之所占必多。今欲捐耕治之。畚以益堤坊之址。愚民爭利目前。誰遑計久。其田之遠於水者。與瀕於水者。各護其私勢。不能如心腹股肱之相恃不均。其賦必潰其謀。其難一也。昔之爲圍田者。仲冬而繕完。始春而修治。土故斯築之堅力。暇斯爲之疾。今東南農家大都貧下。方東作時。舉質以備糧種。春插或且。不具及將播種。乃驅其孱婦弱子。持木杵探汚泥以補缺壞。不久坎坳斷裂如伏兔。蹲羊仄足。不能過有甚於范成大所云者。雖使通力合作。有責成。圩長然而長。得其人。則小治。不得其人。則適以病民。其難二也。兼此二難。將聽民之自爲謀。其能集事乎。民不能自爲謀。爲民父母者。既知其難。又安能晏然已乎。道光七年之春。邑侯德君子浚博稽方志。相度川原。躬率民而修其廢。不奪民時。不耗民財。不踰月而境中皆治。將著爲令。歲以爲常。冀復古制。邑之人相與頌美之。侯喜其集事之速也。以詩紀之。復繪爲圖。并囑余爲之記。余惟侯以實心行實政。虛美之詞。諒非所欲聞。爰述所聞於昔。而獻其說如此。抑又聞之。戴記有言。君子之道。譬則防。歟。侯蓋君子也。本經術以飾吏治。將見盡辟之民。而進以禮讓。大爲之防。其道有裕之至深。

且。遠。者。築。園。田。之。舉。特。其。政。之。見。端。也。他。日。乘。軒。車。持。使。節。以。大。施。美。政。於。東。南。則。今。修。築。圩。田。勿。貽。旱。澇。之。憂。即。其。政。績。所。由。著。云。(乙)

治事篇仕學自序

譚瀏陽

唐末仕途猥濫。常調需次之官。爲世輕賤。至有欲以身易一醉而不得者。沿及五季。且以善歌善走而爲節度使。矣。今之所謂官。亦甚夥而不可紀。原夫授官之始。皆由俸進。科舉雖名爲正途。其實特采於一日之長。非如古者之必出於學也。加以保舉。濫捐。例開士農工商。並出於仕之一途。屠沽無賴。錯雜其間。候補於省會。屋租爲之一貴。終年營營。不得升斗。祿上官亦苦於無可位置。至爲停分發之請。是兩困也。以余論之。停分發必以人員擁擠爲名。吾不知所謂擁擠者何也。苟其皆才也。但患才少耳。何患擁擠如其不才。聽其自去。自來可也。不必慮其擁擠也。毋亦上官困於請託之繁。無以應之。故聊爲緩兵之計耳。然停分發恐有礙於捐例。不久復開。與不停等所謂擁擠者。愈益擁擠。欲盡用之。不可欲盡去之。又不可也。言治者莫不以處此之爲至難。然熟思之。亦復何難之有。人才不患多也。見爲多者。不出於學而非人才耳。法當盡取而教之。使皆出於學而成人。才則總會尤爲造就。候補官之地矣。督撫既身入會。其餘自不令而從。況候補官尤視督撫爲風氣者乎。總會設仕學一科。使候補官就學。其不就學與學而惰者。停其差委。就學者使誦習古今中外政教源流。措施大體。與現今所行之吏事。嚴爲之格。歲時會衆紳士而面課之。而公評之。其及格而才行爲衆紳士所稱者。擢用之。否則置之。使衆紳

士預聞選官之典以符國會之本義且使官紳相習如家人父子不至隔膜相視計無有便於此者也要之人才不出於學將百施而無一可總學會之設也正以使官中之人才皆出於學不獨於候補官爲然也官中之人才皆出於學於是無變科舉之名而有變科舉之實矣

### 民主表白序

唐才常

公天下者愛力天下私天下者儀狄天下扁鵲天下者天下盜之矣愚罔天下者天下暴之矣堯舜揖讓湯武征誅其事不同順民一也順民何躡然不一脈也天地不樂一脈耶鬼神不享一脈耶祖宗不保一脈耶子孫不守一脈耶樂之實僂之享之實辱之保之實畜之守之實促之是以私天下者不長公天下者罔不昌也何則一人之所短不若衆人之所修十人之恣恣不若千人之燭燭蒼頡作書容成造曆后稷耕稼奚仲爲車其量狹其力少其才智薄非能一人而兼衆有也非能一利而萃衆利也前者創後者因千人勞萬人藉遂普爲文明飲食衣服器用之世界矣世界一耳目心腹之所積也積耳目心腹而成人積人而成家積家而成鄉積鄉而成里積里而成鄉積鄉而成黨積黨而成郡邑積郡邑而成國積國而成天下爲天下立君君者羣也爲天下立師師者衆也爲天下立朋朋者黨也爲天下立族族者湊也不羣不黨不湊以孤另天下上姤於官府下姤於私室則是見相於左而不見相於天下也見史於右而不見史於天下也見將於闔而不見將於天下也見士於庠而不見士於天下也見氓於隴而不見氓於天下也見商於衢見工於廛而不見商見工於天下也乃妨乃疾乃攻擊



乃傾軋。乃水火。乃盜賊。乃兵戈。乃痛哭之天下。其又安能公耶。夫天下烏乎公。公於民。民烏乎公。公於黨。戰國之世。民黨盛行。五君羅其魁於門下。秦人屏息不敢撻其鋒。及五君敗喪。秦收其遺骸以事吞并。而六國遂亡。後世不察。每以六國之亡而咎秦。不知亡六國者。即六國之民。於秦無與也。何以知其然耶。六國夷滅。民哀。哀無主。尤憤憤以圖恢復。故嬴氏一滅。而山東豪傑竄起。若是民無負於國。而權不能側重於上也。不亦審乎。昔羅馬之與全恃元老院以爲治。主司之權等於王者。其後亞古士都自稱該撒。國勢愈強。號稱秦平之世。乃狃於世守。寡執相仍。君虐其民。民勢桀然。無所措。國局始弱。希臘意大利皆君主之國。旋因民黨重創。其舊不變。蒸蒸瑞士據歐洲。中原一彈丸之壤。因民主而國賴以存。又嘗爲各國公會之地。其禁別國約士鈐轄其民。以視中國傳教之約。又何如也。華盛頓者。英之流民。首創民主聯邦治體。巍巍乎有天下而不與。故其國養兵不繁。而學校如林。終其身號稱富強。後世仰食其福。此民主之裨於治也。後之言民政者。靡不宗之。拿破崙以統領而除帝位。助美自立。其爲民主。較華盛頓爲先。獨私其天下而不公。致身死。草莽爲天下笑。數十年後。亦更爲民主。豈非民主之說中乎。人心牢不可破乎。今表民主分爲四等。一民主而締聯邦者。二民主兼轄君主者。三民主權足者。四壤地編小。僅同酋長而仍不受大國之制者。

### 監利向氏族譜序

魏 羽

歲在柔兆敦牂之如月。向裕泰袖向氏族譜。際魏羽而句言曰。吾向氏族譜。譜向氏之族也。向氏出於宋桓公子。

民 權 素 第 十 二 集

向父盼孫向叔爲左師而蔓衍於天下。攷春秋中  
騰暢軍事丞相諸葛亮表於朝。晉向秀丰格峻遠  
傳竹林七賢之一也。而吾向氏之門望以著。洎平  
忠毅公紹靖康初守淮甯百折不回。盡瘁王室其  
自號竹林居士有弟曰子恣紹興中以呂頤浩薦  
引爲畏友有兄孫曰士虎幼稱神童喜誦陶靖節  
時有東平向伯喬高宗時知建州帥襄陽有功老  
許虔公出鎮江西洪州改隸平江。逮大潮公始歷  
分而七支分蔓延。歷元明清迄於民國。若瓜之引  
族之盛者也。幸吾族士盛士貴兩公既修譜於前  
判裕泰不敏。席父兄餘蔭。雖僑居容城。而家廟仍  
世譜者以序親疏以辨貴賤。宗法者以明嗣續。以  
有家也。其曰世譜者統其祖宗之所自出。百世而  
此吾譜之所由作也。敢請序言以光譜牒。俾吾子

是則君之賜也。亦裕泰之幸也。其勿辭。魏羽聆其言。覽其譜。離席而起曰。聞君之言。可以明世譜也。覽君之譜。可以知宗法也。古者官有牒狀。以紀載人民之盛衰。家有譜牒。以關繫宗族之聚散。是以馬遷世表。五帝之相承。三王之相繼。無非出於黃帝二十五宗。故黃祚衍於天下。亦以譜牒詳而稟潤。天潢承輝。日觀昭六親之序。明天施之屬也。問嘗讀漢書王陽傳。稱王陽之子孫。材器名稱。稍不能及父。而祿位彌隆。又嘗讀後漢書陳實傳。亦有公慚卿卿。慚長之說。傳有之。君子之澤。五世而斬。今向氏自有宋賜。派以來。材子弟甚衆。旁魄鬱積於千百年後。至今不絕而裕泰。以世家子。獨能昌明正學於羣言淆亂之時。遊心無方。抗志無際。方軌前秀。垂範後昆。其訓猶子。瑞仁書率多發明。太史公六家要旨。倣博物類多能。應變知微。探蹟賞要。而汪在軌度。恂恂德心。論倫理科。尤詳且密。故其猶子瑞仁。文明映心。鑽之愈妙。持以課士。而陶冶大爐。旁薄羣生。充其所學。當不異孫明復石守道之在泰山。徂徠。間卓然秀出。高峙著名海內也。則所以紹文簡之傳。而樹向氏之令聞。孰大焉。羽不文。不足爲一家之史。追於裕泰命。又不能以不文辭。爰略其世系。與其修譜之大要於簡端。

### 朱陸異同辨

頌予

似是而非者。聖人惡之。故鄉原亂德。孔孟深惡。前後如出一轍。而吾以爲似是而知其似者。猶不足以深惡。天下之最可惡者。則莫如以是而轉冒其真。宋儒朱晦庵陸子靜。皆講理學者也。陸氏則以虛無寂滅之說。素正心誠意之功。陽儒而陰禪。直令孔孟之大義微言。一歸於盡。觀其語錄。一派禪機。文集書劄之中。不過藉儒者之言。以

粉飾其迷禪之謬耳。朱子少時亦嘗究心禪理。年至四十。大悟其非。於是肆力詩書。追孔孟之堂奧。迨至晚歲。愈造愈深。故其始未嘗不與陸氏同。而其繼則大與陸氏異。此不可不辨者也。後儒不察其旨。每以道問學尊朱子。而以尊德性屬象山。一似二家之學雖異。而其發源於孔孟也。則無不相同。嗚乎。尊德性而道問學。二說可偏廢哉。蓋得於心者。謂之德。若無體驗之功。而惟以冥悟為務。其所尊者。果何物耶。吾甚不解程篁墩之左袒陸氏。而謂朱陸之始異而終同也。

連珠八首

孫仲容

蓋聞。敝帚千金。且珍其享。鉛刀一割。惟適所用。是以竹頭木屑。與弓矢並儲。牛溲馬勃。與參苓等重。蓋聞。冠蓋所交。必鮮夷魚之行。苞苴所入。匪獨張霍之第。是以宓車徑逝。深知陽鱈之貪。假室常虛。始成割雞之治。

蓋聞。舟可以濟。而阻於蓬萊之水。石不奪堅。而穿於泰山之巖。是以存乎物者。勿強以所難。存乎我者。務審其所守。

蓋聞。嗜好者。陷身之阱。般樂者。纓身之絳。是以猩猩醉酒。困而見禽。狒拂搽竹。笑而被格。

蓋聞。荷裳。魚帶。非可禦寒。豆粥。麥飯。迥殊。畫餅。是以王者賤文人之虛言。貴蓋臣之實行。

蓋聞。春蠶吐絲。作繭自縛。遠豕輕獻。渡河始慚。是以功被天下者。不肯其身。智用萬物者。務虛其衷。

名著

名著

十二

蓋聞。鵲。舌。卒。受。雕。籠。之。閉。蚊。蟲。聚。雷。莫。解。薰。火。之。厄。何。則。機。不。密。則。害。生。發。不。中。則。禍。積。是。以。絲。桐。秘。響。流。水。誰。知。琴。愈。嘆。琴。弋。人。何。獲。

薰。聞。懸。崖。之。溜。可。以。穿。石。一。杵。之。鐵。可。以。鑿。鉅。何。則。用。功。貴。乎。獨。深。積。力。忠。在。不。久。是。以。圭。角。受。磨。錯。之。益。冰。雪。抱。歲。寒。之。心。

### 改併瀏陽城鄉各書院為致用學堂公啓

譚嗣同

瀏陽書院凡六。城內曰南臺。東鄉曰獅山。曰洞溪。西鄉曰瀏西。南鄉曰文華。北鄉曰文光。夫其習禮容。臺橫經。講舍。儒雅之風。斯扇序。塾之誼。彌敦。運際隆平之時。生逢右文之代。即此亦足以造士。無所更用。其政絃流衍。當年迄乎。有永。豈不既盛矣乎。誰復容其隊者。無如天關。跌蕩。海水橫飛。中外通為一家。非復畫疆之舊。古今僅此。奇詎能袖手而觀。溯自遼海行成。膠澗繼暨。難既棘於生民。憂更貽於君父。揆厥禍始。端在才難。人挾八股八韻之文。以之治內。猶嫌不足。而何況於攘外。家順不誼。不知之。則以之守經。或尙無濟。而何況於達權。上有俊父之求。下無鐘球之應。疾視而莫救。掩卷而咨嗟。斯則雄志。獨立之士。所引為深恥者矣。於是聖天子毅然改圖。換其大號。首變科舉。抑置虛文。苟非知時。應變之才。將不容其進。取不有專門。擅長之學。何能與彼書升。且徧設學堂。已有明詔。改併書院。疊沛綸音。多士登進之途。既寬。學堂出身者。准其一體鄉試。而更將破格。予官。教習優保之例。並啓訓迪有方者。准其據實奏聞。而隨即量材器使。加以撫部陳公。最重實學。學堂學會。廣立於省城。學院徐

公尤薄時文。手諭條教。屢頒於黌序。無非勉人爲識時務之俊傑。庶幾合羣以挽國步之艱難。我瀏陽士氣純龐。人文蔚起。以校應頁之選。恆遠在他州縣上。以言開新之風。仍不出相伯仲間。苟不及時綢繆。早思變計。將見九萬搏扶搖而上。掩袂向隅。敵千被衿。纓之倫。束書坐廢。雖隱居教授之不可得。復飛黃騰達之何所。由願我同儕。寧不扼腕。撫茲時局。尤可寒心。夫人之欲善。誰不如我。窮則思變。蓋亦有然。特苦就學無從。有志未逮。聲光化電之精微奧妙。豈可不帥。而匪圖書儀器之燦爛高華。尤非巨貲莫辨。合謀則絀。於煥散獨任。又無以支持。上年雖創算學館於縣城。而員額未宏。徑途復隘。今將別營精舍於鄉里。而草創不易。釐費更難。勢非暫仍舊。重訂新章。遂成生面之別開一洗。從前之陋。而改書院爲學堂。不可矣。惟是學堂之規模。歲費數千金以上。而各書院之散布。相去數十里而遙。獨立則力不能供。相輔則遠莫之致。同一縣而此疆爾界。何殊左畫方而右畫圓。同一事而別戶分門。終於一無成而兩俱敗。況各書院或經費未裕。停課時聞。或者工未竣。開院有待。卽或僅能敷衍。亦覺收效微茫。正使率由舊章。猶虞竭蹶。忽值變更新政。何以圖謀。此無他。衆擎者易舉。而備多則力分。勢所必至。理有固然也。今議將舊有之六書院。及新立之算學館。併而爲一。改建學堂於縣城。視各書院產業之分數。爲具鄉肆業生之額數。豐裔多寡。各不相侵。其名雖合。其實仍與分建者無異。功效既均。利益尤溥。然後廣造齋舍。擇聘名師。品學兼綜。中西並茂。經義治事。各仍一門。格致方言。咸臻絕詣。行見力合而巨業專。而精征吉之占。茅以筮。拔匡時之傑。史不絕書文致。太平光復。區宇夏聲。必大造端。靡微後世。推原其功。必曰微諸君子之力。不及

此下走不敏。與有榮施。惟諸君子好行其德。實慎圖之。

### 與章巨摩書

布雷

巨摩足下。急景颯馳。尺波電謝。與子一別。轉瞬初夏。人事牽率。音問亦疎。猶憶昔者。巨摩嘗言。吾輩遇合。匪同尋常。縱有睽離。宜勤書問。庶展簡翰。不啻把挹。諄諄此言。猶寶予耳。而惡書四札。僅答兩箋。念茲汗出。勿敢求諒。若託故叢脞。自諉疎懶。陳語所辭。動輒滿紙。世俗之行。抑尤無取。承設教滬濱。絃誦一室。門人故舊。晨夕晤對。人生在世。貴於適意。私謂巨摩亦復得所。而墨展來教。每多苦語。神楮繹墨。若楛重爰。至謂天生巨摩。畀以僻性。仰體帝心。勿敢自慳。矢志若此。毋乃太苦。嗟乎巨摩。吾輩大患。乃在有識觸目。憤懷遂勿能已。巨摩秉性孤耿。最厭塵囂。羣動喧騰。視同大敵。而海上市聲。譁鬧滋甚。萬洋所歸。驅倫斯宅。幽憂之身。困茲泥淖。潦倒抑塞。嗚呼。非宜。雖然。下走於此。則自有說。天生巨摩。被以奇厄。孱骨嶙嶙。所如勿遇。是則然矣。必謂抱此好遇。長日怨咨。課繭自縛。以當天意。則惑也。先哲垂訓。遠天不祥。世彥恆言。人定勝天。介斯二義。必有中道。斟酌審奪。庶乎得之。不然。有史以來。逐臣羈士。遭際困頓。填海移徙。勿渝此志。山窮水盡。忽現康莊。豈少也哉。鍊石五色。期補頽天。盡其在我。勿計其他。巨摩斯時。宜師此旨。抑人生品彙。萬有不齊。七寶樓臺。登陟靡盡。九幽黑獄。每降益深。苦樂相去。寧有限度。暫罹困厄。便爾怨嗟。嗟出唱入。唱毋乃不廣。層淵之下。容覓衢路。餘生窮餓。且餐甘茶。抱道之士。有爲之者。豈謂今賢。遠不相若。吾爲此言。出於誠悃。巨摩若謂。事有難行。匪言之艱。觀火隔岸。泛作慰語。寧計當局。痛切革膚。則

名著

十四

剖胆輸肝。勿敢自白。要惟巨摩。諒之而已。自與子別。德業益荒。舍己耘人。日就頹廢。循尋主講。儼同機械。恐遂墮落。勿克自振。言念及此。毛骨爲竦。亦惟巨摩。有人命之。邇來世局變遷。剝那萬幻。江漢澎湃。又釀新潮。幽冀風雲。忽蒙妖霧。巫陽來詔。曰非佳朕。波印空言。恐便實現。吾儕屏夫。手無寸柄。新邦佐命。實愧追隨。勝代遺僚。羞同履戴。天地雖大。託足無所。笑口啼顏。都無一可。何嘗吞炭。佯狂洗耳。終隱避秦。有術願共圖之。

與林冬心論養生書

箸超

尊書所論。僕乃大惑。足下殆偏於一身之經驗。而未窮乎萬物之理焉。精神之有衰旺。猶人家之有貧富。貧者嗇用以求富。富者俱疲。終其身不得中人。產自議爲侈靡。自富者視之。則雖陋如昨。養生之道。亦猶是先天之說。至足憑也。以僕視之。百年且暮。殤壽彭夭。蟬蛻靈龜。一朝夕而一千載。朝菌大椿。一晦朔而一春秋。蟬蛻朝菌。不加辱靈龜。大椿不加榮。長生者又何苦焉。人之樂生而畏死者。姝麗環於前。鐘鼓陳於後。珪璫列於左。香珍筵於右。亟亟保守。惟恐或失。間或登山。以望海築臺。以俟靈。故齊景有牛山之泣。漢文有邯鄲之歌。如謂清虛自守。泊乎無爲。置身大虛之域。棲神冥漠之居。則曠然無愛。患者孰若幽宮寂然。無思慮者孰若閤壙。舍靜以就。竊逃素而趨。續養生乎。欺人耳。水不以增冰。而寒火不以助膏。而熱。鷓不以修羽。而厲。馬不以刷毛。而良。有其性者。無容飾也。一條之枯。無損繁材。蒿麥冬生。無解肅殺。此又一解也。僕於養生。設一近譬。譬諸樹上懸匏。非木之實。背上破裘。非脊之毛耳。夫鳥飛成行。獸處成羣。有誰使之扶老。強力。鶴鶴。友悌。有誰教之。所謂生者。非可養也。自全其



名著

十六

生。道。乃。得。之。是。故。八。音。以。蹈。和。五。味。以。適。胃。采。色。以。娛。目。閨。闈。以。節。情。必。謂。之。數。事。者。伐。性。腐。腸。斲。神。殄。骨。則。墨。翟。非。樂。夷。不。火。食。盲。瞽。不。惑。閻。寺。不。御。云。何。而。不。長。生。也。夫。首。陽。食。薇。以。全。苦。節。留。侯。辟。穀。具。有。隱。衷。後。之。元。妙。家。乃。附。而。和。之。白。露。玉。液。非。聖。無。法。沿。及。末。世。烘。托。益。甚。精。神。且。寄。於。藥。血。脈。可。以。自。來。爲。問。投。合。歡。於。靈。均。進。葦。艸。於。鮑。焦。古。之。人。果。遂。含。笑。九。原。乎。君。子。寡。嗜。欲。薄。滋。味。爲。進。德。也。非。爲。養生也。金。銀。宮。庫。養生之府也。貧者所樂得而貧者不壽。妻妾富厚養生之方也。戀者所畏失而戀者多災。封心剖肝。冒矢蹈刃。自戕其生也。姓氏不蝕於風霜。事業爭光於日月。其壽何如也。盜跖墮名可憐。九十虞山敗節。祇爲天年如僕之見。乃在彼而不在此。



之  
藝  
丸  
木  
木

刻  
文



藝林目錄

詩

李蕤客

徐用儀

枚道子

朱家寶

于右任

古香

慘佛

君木

采蕤

玉如

目錄

一首

二首

一首

一首

二首

二首

三首

三首

二首

一首

蕭齋

佛矢

望之

遜儉

卓春

竇樂

玄父

秋心

喟蕪

超球

六首

二首

三首

四首

二首

三首

二首

六首

四首

二首

集 二 十 第 系 樓 民

詞

東	孟	楚	古	枚	腐	花	南
蓀	幼	儉	香	道	草	奴	村
				子			

目  
錄

一	二	一	二	一	二	三	二
首	首	首	首	首	首	首	首

	箬	佛	魏	起		箬	昂
	超	郎	羽	予		超	孫

一	一	二	一	三	二
首	首	首	首	首	首

藝林

詩

與王綉堂登秦望山

李蕤客

烏。蓬。戴。酒。耶。溪。渡。爽。溪。霜。葉。紛。無。數。青。山。靚。妝。如。相。招。芒。鞋。着。急。不。能。住。石。帆。石。傘。次第。經。石。磴。盤。旋。不。少。停。行。已。至。最。高。處。秋。後。芙。蓉。分。外。青。攬。頭。忽。驚。紅。日。大。踏。脚。又。碾。白。雲。破。等。閒。不。敢。發。高。吟。松。根。怕。有。蒼。龍。臥。歸。來。莫。愁。山。路。遙。兩。關。明。月。掛。柳。條。月。來。月。去。猶。勸。朝。暉。照。始。皇。駐。轡。饑。

集東坡句吊松存老人

徐用儀

海。山。兜。率。兩。茫。然。南。望。題。詩。淚。灑。成。早。歲。便。懷。齊。物。論。灰。心。聊。伴。小。乘。禪。常。時。不。肯。入。官。府。百。丈。休。牽。上。溯。船。造。物。亦。知。人。易。老。羨。君。平。地。作。飛。仙。

欲。訪。浮。雲。起。滅。因。此。身。何。止。略。知。津。孤。松。早。偃。原。非。病。秋。水。為。文。不。染。塵。駐。景。恨。無。千。歲。藥。墓。中。知。有。百。年。人。老。來。尙。有。憂。時。歎。謀。道。從。來。不。計。身。

秋霖歎

枚道子

黑。獸。斑。爛。傍。斗。立。華。夫。一。出。不。復。入。壺。中。釀。成。大。漏。天。寒。池。夜。夜。海。棠。泣。去。年。八。月。石。鼓。鳴。鞍。上。雲。飛。銀。河。傾。大。雨。一。行。輒。十。日。鑑。湖。萬。頃。無。香。粳。長。堤。百。尺。臥。如。虹。去。年。雨。迹。賸。驚。蓬。今。年。八。月。有。雲。如。羣。羊。東。海。女。嫁。西。海。童。

藝林

藝林

羅浮山。側。遊。旌。過。怒。觸。神。龜。舞。浪。婆。玲。牙。利。爪。烈。風。起。劈。破。蟻。盤。聲。滂。沱。鐵。騎。一。百。萬。大。戰。岷。陽。堰。樹。亞。鷲。鷲。驚。地。寬。龍。象。健。雨。復。雨。今。年。復。年。嗤。嗤。者。氓。何。忤。焉。水。漂。高。鳳。驪。雉。麥。花。落。淵。明。下。溪。田。羽。衣。倏。生。虛。堂。上。鳧。舟。又。運。秋。庭。前。我。聞。黃。河。鯨。翻。赤。金。陵。鄂。渚。水。盈。尺。城。中。假。長。巨。君。薪。海。外。舟。斷。堯。夫。麥。觀。卯。徒。開。鳩。呼。林。皇。唐。空。期。鵲。噪。庭。恨。山。山。下。鞭。陽。石。洞。口。煙。封。不。得。尋。我。有。寶。刀。名。莫。邪。利。鋒。能。刺。妖。蝦。蟆。掃。盡。黑。雲。送。紅。日。不。許。老。鯉。談。噴。譁。天。欲。壓。我。勿。能。勝。月。縱。羞。面。何。可。遮。惜。乎。苔。滑。不。能。上。不。隨。吾。志。空。吁。嗟。隨。吾。志。將。云。何。春。風。仙。槎。泛。大。羅。劈。空。一。聲。笛。音。蘇。萬。馬。千。車。齊。倒。戈。下。聽。擊。壤。窮。簫。歌。吾。聞。之。昭。陽。宮。裏。人。刺。木。念。蒸。民。如。何。牧。羊。者。不。為。神。禹。沛。熙。春。吟。成。長。嘆。倚。欄。思。空。借。滴。瀝。又。見。租。吏。乘。雨。至。催。詩。敗。興。一。時。事。

重修大觀亭落成感懷

朱家寶

關。開。棧。莽。展。朱。欄。豈。為。登。臨。拓。遠。觀。庶。有。一。坏。留。血。碧。常。教。八。皖。痛。心。丹。亭。前。忠。蹟。山。河。壯。檻。外。驚。濤。日。月。寒。惆。悵。長。江。本。天。監。憑。誰。砥。柱。障。狂。瀾。

題畫

于右任

雲。雨。東。山。又。一。時。回。頭。莫。道。百。年。悲。于。思。似。我。還。非。我。獨。立。蒼。茫。有。所。思。歌。哭。無。端。不。世。情。蒙。戎。旬。旬。泣。先。生。滄。涼。幾。度。人。將。老。一。種。傷。心。畫。不。成。

棹經鑑湖

古香

紅葉落重。秋江晚。岸平。村路直。風軟。鳥聲。野無高樹。夕陽明。遠峯回頭。問舟子。何處動疎鐘。

### 秋夜書懷

斫地悲歌。劍缺紅何堪。秋雨復。秋風艱。難家計。貧誠病。孤憤文章。句不工。舉世輕才。憐俗薄。書生憂國。爲時窮。青衫濕透。少陵淚。寒鴛吟。肩聽過鴻。

### 登雨花台弔曾忠襄

慘佛

一笑公多事。艱難破此城。地會經苦戰。心豈爲蒼生。堯桀名難定。滄桑感未平。眼中三十里。前代是皇京。

### 莫愁湖弔徐中山

竟逐胡元去。中山氣若雲。前身疑獨將。地下笑湘軍。廟貌秋風老。湖光落日曛。青門瓜種劣。知否誦先芬。

### 佛言

鐵血金錢兩主義。流行大地張魔風。佛言此可憐。憫者我欲掃。殺歸虛空。此心一淨。衆生淨。華嚴原在彈指中。夙業所迷。疑佛誑。與接爲構。爭保蟲。只有強弱。無文野。能多殺人。卽英雄。無古無今。無中外。青史自青。血自紅。熙攘小人。尤可恥。奔利迅。似江河。東狂瀾。如此不可挽。我行我法。禪所宗。

### 贈洪佛矢

君木

洪君落人之英。可惜奇窮。不世情。命託長。纓白木柄。心依天竺。古先生相逢。尊酒狂猶昔。出手詩篇。老更成。便



民權素第 二十 集

藝林

欲。打。包。隨。汝。去。好。從。初。地。悟。因。明。

述感

已。落。人。間。世。煩。冤。寧。自。禁。俗。流。多。忤。視。時。事。必。傷。心。躡。地。成。孤。寄。敷。天。念。陸。沈。汝。身。非。汝。有。底。用。雪。哀。吟。

病久來上海就醫於楊省齋師同處旅館中朝夕診視將護備至感

成一詩

力。疾。跨。滄。海。言。來。尋。我。師。敢。將。微。命。託。倘。得。更。生。期。且。且。勞。調。護。深。深。慰。鬱。伊。病。中。兼。客。裏。不。憶。在。家。時。

武庫夜坐偶成

采蕪

喧。喧。一。水。抱。城。流。矮。屋。枯。吟。兀。似。舟。五。斗。芳。膠。埋。簿。領。千。燈。繁。夢。警。鳧。隔。填。胸。自。足。戈。矛。氣。傷。足。甯。為。夔。蛟。謀。笑。倚。倭。刀。吾。共。汝。懸。蛛。新。月。已。如。鉤。

聞國會縮短年限感賦

殘。燈。携。影。兩。分。馳。坐。擁。匡。床。發。寐。思。國。是。微。聞。清。議。勝。老。懷。分。付。濁。醪。如。聞。沙。雁。愁。沉。雲。黑。驚。蟄。龍。蛇。起。陸。渾。北。馬。南。船。零。涕。盡。天。涯。吟。望。一。軒。眉。

有贈

玉如

大。江。之。南。花。一。枝。憐。悴。不。死。天。公。慈。紅。樓。癡。淚。慘。明。月。姮。娥。一。去。無。人。思。彼。美。有。淚。碧。如。血。千。里。梅。花。滯。春。雪。鯉。